



ISTITUT CULTURAL LADIN
MUSEO LADIN DE FASCIA

COMUNICAT STAMPA

Sèn Jan, ai 3 de aost 2010

Museo Ladin de Fascia

RETRAC DI PRÉ, DEL BOSCH, DI MONC

Mostra de fotografies de la Sociazion "I Cucaloch" de Moena

Inaudazion de la Mostra:

sàbeda ai 7 de aost da les 5 domesdi – Museo Ladin de Fascia, "Sala "Luigi Heilmann"

A partir da sàbeda ai 7 de aost, e fora per dut l meis, tel Museo Ladin de Fascia troarà lèrga na mostra dal titol "Retrac di pré, del bosch, di monc", co na selezion de retrac de natura e ambient de la Val de Fascia portèda dant da la Sociazion "I Cucaloch".

Alberto Chiocchetti, Alberto Degiampietro, Elio Vadagnini, Ennio Adami e Livio Vadagnini, duc da Moena, da pech temp i à metù sù chesta neva Sociazion conjobian la gran pascion che i à per la fotografia e per la natura, ogneun con sia carateristiches e preferenzes per i desvalives sogec: dai panorames ai insec, da la besties del bosch ai fiores.

Te Museo vegnarà metù fora passa caranta retrac, n muie ence per la pruma outa, fascinegoi e poetics tel medemo temp, con apede didascalies per talian e ladin che no les despiega i detaes tecnicos de la fotografia ma les sotrissea particolères che proa a chierir la emozions "sconetes" te la fotografia. Se pel veder a chesta vida duta la pascion, l'amor de chisc cinch fotografes per chesta forma de èrt e per l'ambient, ma ence la pazienza, la cura tel coer i detaes, la fadia che se fèsc a stèr ló a paissèr o a jir a pe su per i monc canche crepa l'èlba o d'invern.

L'envit l'é apontin chel de emparèr a veder con eies più ascorc dut chel che ne encercenea, ence zenza jir n muie dalonc da cèsa, per cognoscer la richeza de la natura e soraldut per la respetèr e per fèr a na vida che ence la generazions del davegnir les posse aprijèr e amèr l'ambient olache les vif.



"I Cucaloch" da Moena

RETRAC DI PRÉ, DEL BOSCH, DI MONC

Mostra de fotografies

Museo Ladin de Fascia, Sala Luigi Heilmann

dai 7 de aost ai 3 de setember 2010

orarie: duc i dis 10.00 – 12.30 e 15.00 – 19.00

entrèda debant



ISTITUT CULTURAL LADIN "majon di fascegn" – MUSEO LADIN DE FASCIA

Loc. San Giovanni / Sèn Jan 38039 Vigo di Fassa / Vich (Tn)
tel. 0462 760182 – museo@istladin.net – www.istladin.net